

BOSNA I HERCEGOVINA
FEDERACIJA BOSNE I HERCEGOVINE
Bosansko-podrinjski kanton Goražde
GRAD GORAŽDE
Zdravstveni savjet
Broj:
Goražde, 02.04.2021. godine

Z A P I S N I K
s druge sjednice Zdravstvenog savjeta Grada Goražda

Druga sjednica Zdravstvenog savjeta Grada Goražda održana 02.04.2021.godine u Velikoj sali Gradske uprave Grada Goražda s početkom 11,00 sati.

Sjednici su prisustvovali: Sanid Zirak - predstavnik gradskog organa uprave, Merima Kanlić - predstavnik mladih, Emir Frašto - predstavnik pacijenata, Mersiha Pecikoza - predstavnik stručnih udruženja i nevladinog sektora, Emir Sarajalić - predstavnici Crvenog krsta, prim. Dr. Baškim Bajrami - predstavnik zdravstvenih radnika iz zdravstvenih ustanova na području Grada Goražda, dr. sc. prim. dr. spec. Emsudina Deljo- predstavnik zdravstvenih radnika privatnih praksi i Suljo Bekan - predstavnik penzionera.
Mr. Nedim Čengić dipl. san. ing. - predstavnik komora iz oblasti zdravstva, opravdano je odsutan.

Današnjoj sjednici prisustvovali su direktorica JU Zavod za javno zdravstvo BPK-a Goražde dr. Medina Bičo i direktor JU Dom zdravlja "dr. Isak Samokovlija" dr. Edin Čengić.

Na sjednici je razmatrano o predloženim tačkama dnevnog reda:

1. Usvajanje zapisnika s konstituirajuće sjednice Zdravstvenog savjeta.
2. Informacija o poduzetim aktivnostima i radu Zdravstvenog savjeta:
 - a) aktivnosti u vezi s usvajanjem Budžeta Grada Goražde za 2021.godinu, koja se odnose na Zdravstveni savjet,
 - b) analiza stanja Zdravstvenih savjeta u FBiH, u saradnji sa SOGFBiH.
3. Detaljnije upoznavanje sa aktuelnom epidemiološkom situacijom na području Grada Goražda u vezi sa COVID-19. Izvjestilac: Predstavnik JU Zavod za javno zdravstvo BPK-a Goražde i predstavnik JU Dom zdravlja "dr. Isak Samokovlija" Goražde.
4. Razmatranje prijedloga za sačinjavanje Akcionog plana Zdravstvenog savjeta za 2021.godinu po oblastima:
 - a) sektor zdravstvene politike spram mladih: jedna aktivnost,
 - b) sektor zdravstvene politike spram populacije penzionera: jedna aktivnost,
 - c) sektor zdravstvene politike spram populacije pacijenata: jedna aktivnost,
 - d) sektor zdravstvene politike spram stručnih udruženja i nevladinog sektora: jedna aktivnost,
 - e) sektor zdravstvene politike spram zdravstvenih radnika iz zdravstvenih ustanova na području Grada Goražda: jedna aktivnost,
 - f) lokalni javni zdravstveni sektor: jedna aktivnost,
 - g) sektor privatne zdravstvene prakse: jedna aktivnost.
5. Tekuća pitanja.

Ad1) Usvajanje zapisnika s konstituirajuće sjednice Zdravstvenog savjeta – Nakon usvajanja dnevnog reda, jednoglasnom odlukom članova savjeta usvojen je Zapisnik s prve konstituirajuće sjednice Zdravstvenog savjeta Grada Goražda.

Ad2) Informacija o poduzetim aktivnostima i radu Zdravstvenog savjeta:

a) aktivnosti u vezi s usvajanjem Budžeta Grada Goražde za 2021. godinu, koja se odnose na Zdravstveni savjet - zapisničar i predstavnik mladih u Zdravstvenom savjetu Merima Kanlić koja je kao predstavnik Zdravstvenog savjeta bila prisutna na Raspravi o Nacrtu Budžeta Grada Goražde za 2021. godinu, informisala je ostale članove Savjeta o planiranju Zdravstvenog savjeta u Budžetu Grada Goražda kojim su odobrena novčana sredstva za rad Zdravstvenog savjeta Grada Goražda.

b) analiza stanja Zdravstvenih savjeta u FBiH, u saradnji sa SOGFBiH

- predsjednik savjeta dr. sci. Sanid Zirak obavijestio je članove Savjeta da prema ocjeni SOGFBiH, Grad Goražde spada među najuspješnije lokalne samouprave po pitanju formiranja i rada Zdravstvenog savjeta s obzirom da većina lokalnih samouprava na području FBiH još uvijek nije formirala svoje Zdravstvene savjete, iako ih na to Zakon obavezuje.

Ad3) Detaljnije upoznavanje sa aktuelnom epidemiološkom situacijom na području Grada Goražda u vezi sa COVID-19.

Izjavitelj: Predstavnik JU Zavod za javno zdravstvo BPK-a Goražde JU - prema riječima dr. Medine Bičo epidemiološka situacija na području BPK-a se prema statističkim podacima nalazi na jednoj "ravnoj liniji", što znači da broj oboljelih u proteklih dana niti se smanjuje niti povećava. Ističe da je trenutno na području BPK-a aktivno oboljelih 357 pacijenata, oporavljenih 38 pacijenata od početka novog vala zaraze, a da je trenutno 57 pacijenata hospitalizovano. Od početka pandemije do danas bilježi se 64 smrtna slučaja uzrokovanih COVID-19. Konstanta u broju oboljelih znači da mjere koje je donio Krizni štab Kantona ipak daju određene rezultate. Dr. Bičo smatra i preporučuje da je jedan od najbitnijih vidova zaštite to preventivno djelovanje i apeluje nadležnim organima da je u ovoj situaciji potrebno pojačati nadzor nad osobama koje se nalaze u izolaciji.

Izjavitelj: Predstavnik Doma zdravlja "dr. Isak Samokovlija"- dr. Edin Čengić ukratko je upoznao članove Savjeta o situaciji u Domu zdravlja i načinu borbe osoblja s COVID-19. U Domu zdravlja na dan se pregleda 250 pacijenata, od tog broja pacijenti sa simptomima virusa Korone odmah se podliježu testiranju. Osoblje Doma u ovoj situaciji daje svoj maximum kako u samom prijemu u Covid ambulanti tako i u svakodnevnom vršenju kućnih posjeta oboljelim pacijentima ističe dr. Čengić. Doktor situaciju u vezi COVIDA-19 ocjenjuje srednje/teškom ali smatra da se bez obzira na nedostatak medicinskog kadra što je jedan od velikih problema, ipak pacijentima uspijeva pružiti adekvatna pomoć, kako pacijentima oboljelim od COVIDA-19 tako i pacijentima koji boluju od nekih drugih bolesti.

Naši izvjestioci zajedničkog su stava na pitanje: Da li su mjere koje su na snazi dovoljne i da li se njima postižu željeni rezultati? Na to pitanje možemo odgovarati nakon proteka 14 dana, s obzirom da imamo tu "konstantu" broja zaraženih možemo reći da nemamo pogoršanje trenutne epidemiološke situacije što znači da naredbodavne mjere koje su trenutno na snazi daju određene rezultate - ističu dr. Bičo i dr. Čengić.

Nakon obraćanja dr. Bičo i dr. Čengića, diskutovano se između članova Savjeta o smještajnom kapacitetu pacijenata u Đačkom domu. Prema navodima članice Savjeta Mersihe Pecikoze koja je ujedino jedan od zdravstvenih radnika u Đačkom domu, Đački dom ne raspolaže potrebnim smještajnim kapacitetom jer svi oboljeli pacijenti ne mogu biti zbrinuti, te da je određeni broj pacijenata smješten po hodnicima doma što je zabrinjavajuća činjenica s obzirom da raste potreba za hospitalizacijom pacijenata oboljelih od COVID-19. Članovi Savjeta smatraju da je potrebno uputiti Apel nadležnim vlastima o hitnom osposobljavanju drugog sprata Đačkog doma kako bi se adekvatno mogli zbrinuti svi pacijenti.

Dr. Emir Frašto konstatovao je o potrebi poštivanja Protokola liječenja pacijenata oboljelih od Korona virusa, koji prema riječima dr. Baškima Bajramija postoji ali da je u nedovoljnoj primjeni. Dr. Frašto dao je prijedlog da se napravi jedan presjek smrtnosti stanovništva za period u posljednje četiri godine, te da ćemo na taj način imati realnu sliku stope smrtnosti stanovništva uzrokovane Korona virusom (COVID-19).

Na sjednici diskutovano je i po pitanju refundacije troškova za lijekove koji se koriste u liječenju COVIDA-19. Predstavnik penzionera Suljo Bek u po ovom pitanju je istekao da prema Udruženju penzionera svaki dan pristižu zahtjevi za refundaciju troškova liječenja i da je udruženje preuzelo tu odgovornost, ali da nije siguran do kada će se ta novčana sredstva u vidu refundacije moći isplaćivati, jer se udruženje finansira i članarinama korisnika a veliki broj članova to jest penzionera oboljeva istakavši da je u zadnju godinu dana od početka pandemije uzrokom COVIDA-19 preminuo 31 korisnik udruženja.

Dr. Emsudina Deljo smatra da je neophodno izvršiti određene promjene u načinu liječenja pacijenata oboljelih od COVIDA-19, prije svega neophodno je izvršiti promjene na esencijalnim listama lijekova to jest da se lijekovi sa esencijalne liste kategorije B priprese na I kategoriju lista A. O ovom pitanju već se razmatra i taj proces zahtjeva vrijeme ali je s obzirom na trenutnu epidemiološku situaciju neophodno da nadležni organi ubrzaju taj postupak.

Ad4) Razmatranje prijedloga za suštavanje Akcionog plana Zdravstvenog savjeta za 2021. godinu po oblastima - članovi Savjeta su razmatrali predložene prijedloge i aktivnosti koje će se uvrstiti u Akcioni plan Zdravstvenog savjeta. Svaki od članova Savjeta koji predlaže aktivnost koja se može realizirati ima mogućnost jedne aktivnosti koju će realizovati u narednom periodu. Članovi su iznijeli svoje prijedloge koji će se nakon razmatranja Savjeta utvrditi i uvrstiti u Akcioni plan. Nakon usvajanja Akcionog plana Zdravstvenog savjeta za 2021. godinu koje je predviđeno na Trećoj po redu sjednici Savjeta, krenut će se u njegovu realizaciju.

Ad5) Tekuća pitanja - članovi Savjeta nisu imali dodatnih pitanja pod ovom tačkom Dnevnog reda ali su iznijeli svoje prijedloge koji su se odnose na upućivanje zdravstvenim ustanovama radi upoznavanja Savjeta o planovima i programima rada JU Zavod za javno zdravstvo BPK-a Goražde i JU Dom zdravlja Goražde. Jedan od prijedloga je da se uputi i jedan Apel Kantonalnom ministarstvu zdravstva, kojim se poziva Ministarstvo da upozoriti na hitnost opremanja drugog sprata Đačkog doma. Ovim putem Savjetnik Ministarstva da u narednom periodu poduzme odgovarajuće korake u formiranju zdravstvenog centra u BI Hercegovini, što mu je i zakonska obaveza, pa da zajedničkim snagama kantonalni i gradski Zavodi sačinjavaju svoj doprinos u borbi protiv COVID-19.

Sjednica je završena u 12.45 sati. Članovi Savjeta koji su iznošenjem svojih mišljenja i prijedloga usaglasili stavove, izjavili su da su zadovoljni.

ZAPISNIK SAČINILA

Merima Kanlić

Merima Kanlić

Predsjednik Zdravstvenog savjeta

Dr. sci. Samir Zirak

Samir Zirak